

НА ЛИТИИ СТИХИРЫ ПРАЗДНИКА: ГЛАС 1:

Вéтхий деньми, Иже закон древле в Синаи дав Моисéю,/ днесь Младенец ви́дится/ и по закóну, яко закóна Творéц,/ закон исполняя, во храм приносится,/ и стáрцу даётся./ Прием же Сего Симеон прáведный/ и, обещáний сбытие видев совершающее, радостно вопияше:/ ви́деша очи мои еже от века таинство сокровéнное,/ напоследок дний сих явльшеется,/ свéт, разоряя неверных язы́ков/ омрачение и славу дая новоизбрáнному Израíлю;/ темже отпусти раба Твоего от соуз сея плóти/ к нестареемому и чудному некончáемому животу́,// подая ми́рови велию ми́лость.

Днесь древле Моисею в Синаи закон подавый/ законным повинуется велением,/ нас ради, яко Милосерд, по нам быв./ Ныне Чистый Бог яко Отроча Свято, ложесна разверз чистыя,/ Себе Самому яко Бог приносится,/ законные клятвы свободждая// и просвещая души наша.

Глас 2:

Ему же вышний служителie с трепетом молятся,/ долу ныне Симеон ве́щными руками приемь,/ Бога человеком соедини- тися проповеда,/ и Человека Небесна Бога видяй,/ отлучая- ся сущих на земли, радостно взывающе:/ Иже во тьме сущим Невечерний Свет открываяй,// Господи, слава Тебе.

Днесь Симеон на руки Господа славы подъемлет,/ Егоже под мраком первое Моисей виде,/ на горе Синайстей скри- жали дающа ему./ Сей есть, Иже во пророцах глаголяй и закона Творец./ Сей есть, Егоже Давид возвещает, Иже всем страшный,// имеяй велию и богатую милость.

Священного священная Дева принесе во святилище святы- телю,/ простер же руце, Симеон прият Сего, радуяся,/ и во-

зопи: ныне отпущаеши раба Твоего, Владыко,// по глаголу Твоему с миром, Господи.

Зиждитель Небесе и земли/ на руках ношащеся святым Симеоном старцем днесь,/ той бо Духом Святым глаголаше:// ныне свободихся, видех бо Спаса моего.

Днесь Симеон старец во храм входит, радуяся духом,/ Законодавца Моисеева и Исполнителя закона на руки восприяти./ Он убо мраком и гласом неявленным Боговидец сподобися быти,/ покровенным лицем евреев неверная сердца изобличи,/ сей же Первовечное Слово Отчее воплощенное понесе/ и языком откры Свет, Крест и Воскресение./ И Анна пророчица показася,/ Спаса Избавителя Израилю проповедающи./ Тому возопиим, Христу Богу нашему:// Богородицы ради помилуй нас.

Слава: глас 5:

Испытайте писания,/ якоже рече во Евангелиих Христос Бог наш,/ в них бо обретаем Того, рождаема/ и пеленами повиваема,/ в яслех полагаема и млеком питаема,/ обрезание приемлюща и Симеоном носима,/ не мнением, ни привидением, но истиною мирови явльшася./ К Немуже возопим:// Превечный Боже, слава Тебе.

И ныне, глас тойже:

Ветхий деньми, младенствовав плотию,/ Материю Девою в церковь приносится,/ Своего закона исполняя обещание,/ Егоже Симеон приим, глаголаше:/ ныне отпущаеши с миром, по глаголу Твоему, раба Твоего,// видеша бо очи мои спасение Твое, Святый.